

Dr. M akan ketuai rombongan pelaburan

KUALA LUMPUR, Sabtu — Timbalan Perdana Menteri, Datuk Seri Dr. Mahathir Mohamad, akan mengetuai rombongan pelaburan Mida ke Switzerland dan Belgium selama dua minggu mulai 1 Februari.

Jurucakap Mida berkata, Datuk Seri Dr. Mahathir akan berucap di Simposium Davos yang bertujuan menyediakan rancangan perniagaan, khusus bagi terutama bagi negara-negara membangun.

Rombongan itu juga akan menyertai rancangan Peluang Perniagaan Antarabangsa (IBOP) di samping berdialog dengan Persekutuan Pekilang-pekilang Jam Tangan Swiss mengenai kemungkinan menubuhkan pusat usahasama membuat jam di Malaysia.

Jurucakap itu menambah, Datuk Seri Dr. Mahathir, yang juga Menteri Perdagangan dan Perindustrian, akan menyertai seminar anjuran bersama Perusahaan Kerja Logam, kejuruteraan mekanik dan elektronik dan plastik dan kredit bank dari Belgium.

Wakil-wakil swasta adalah dari Sime Darby, Pemas, United Motor Works, Yayasan Syed Kechik dan Kumpulan Kewangan Hong Leong.

Enam pegawai, termasuk Pengerusi Mida, Datuk Jamil Jan, mewakili Kerajaan.

Bahan asal dari Arkib
Negara Malaysia